

XI. Si dantur angelorum ordines, ut revera dantur; dantur & Archangeli.

XII. Si locus I. Theff. IV. 16. omnium simplicissimè, ut litera primo intuitu præfert, accipiatur, Archangelus creatus intelligitur.

Diff. XI.

De

Providentiâ.

I.

Qui Divinæ providentiæ veritatem hodie, in Galliâ præcipuè, inficiantur, Philosophorum gentilium omnium deterrimos sequuntur, à cæteris Sectis ple-risque ideò flagitiosæ impietatis accusatos.

II. Qui providentiam negat, nihil causæ habet, cur aut DEum credat, aut virtuti studeat.

III. Frustra castigatur conservationis trita descriptio, quâ dicitur esse continuata creatio.

IV. Gubernat DEus mundum absoluto & independen-te ab alio quovis, sese superiore, imperio, sed justissimo. Rom. IX. 20. 21. 22.

V. Summa stultitia est, sublunaria, quæ quasi thea-trum sunt infinitarum mutationum, eximere gubernationi Divinæ, & eidem subjicere cœlestia, à mutatione aliena.

VI. Concurrere DEum frequentissimè cum actionibus humanis extra ordinem, easdem vel flectendo vel determi-nando, Divinæ promissiones & comminationes, immò ipsa eventuum consideratio, apertissimè arguunt.

VII. Ad peccatum permittendo concurrat DEus & a-ctionem sustentando: solus verò homo ad eandem sese de-terminat.

VIII. Non ideò creatura independens redditur.

IX. Nunquam gratiam suam peccanti ita subtrahit DE-us, quin eâ mensurâ eundem revocet, quâ converti possit. Rom. V. 20.

X. Ubi in Sacris de DEO legitur: *indurabo cor Pharaonis,*

nis,